



服膺孝



服部文庫
117
113



117
113

南總字惠子迪輯



服膺孝語

完

東都書肆

文刻堂

服膺孝語序

周官師氏立至德敏德而又立孝德以教之蓋人之所為雖未盡合於道苟有孝德則聖王有取古之道也君子務本本立而道生習慣之久不思而得不勉而中忠敬和順亦皆自然生於茲古之教也吾黨之士以孝經為初學之啓行夫孝者立德之本教之所繇生也自六經而下孝語之散在簡編者初學之徒不可比視焉瀟水先

服膺孝語序

生檢書之間筆錄成卷題曰服膺孝語比
宗德受業先生也已得睹而誦之臨其易
簣親受傳貽之命則謹按之梓之以成先
生之志宗德豈敢爲人人提耳者焉哉冀
後生拳拳此書以便其取則乃亦崇德之
志也

天明甲辰春二月尾張浦井宗德謹撰



服膺孝語

南總 宇惠子迪輯

子婦孝者敬者父母舅姑之命勿逆勿怠
若飲食之雖不啻必嘗而待加之衣服雖
不欲必服而待加之事人代之已雖弗欲
姑與之而姑使之而后復之禮記內則
父母有過下氣怡色柔聲以諫諫若不入
起敬起孝說則復諫不說與其得罪於鄉

黨州問寧孰諫父母怒不說而撻之流血
不敢疾怨起敬起孝上同

曾子曰孝子之養老也樂其心不違其志
樂其耳目安其寢處以其飲食忠養之孝
子之身終終身也者非終父母之身終其
身也是故父母之所愛亦愛之父母之所
敬亦敬之至於犬馬盡然而况於人乎上同
父命呼唯而不諾手執業則投之食在口
則吐之走而不趨親老出不易方復不過

時親瘠色容不盛此孝子之疏節也父沒
而不能讀父之書手澤存焉爾母沒而杯
圈不能飲焉口澤之氣存焉爾禮記
玉藻

孝子之有深愛者必有和氣有和氣者必
有愉色有愉色者必有婉容孝子如執玉
如奉盈洞洞屬屬然如弗勝如將失之嚴
威儼恪非所以事親也成人之道也禮記
祭義
君子之所謂孝者先意承志諭父母於道

上同

曾子曰。身也者。父母之遺體也。行父母之遺體。敢不敬乎。居處不莊。非孝也。事君不忠。非孝也。涖官不敬。非孝也。朋友不信。非孝也。戰陳無勇。非孝也。五者不遂。裁及於親。敢不敬乎。亨孰羶薌。嘗而薦之。非孝也。養也。君子之所謂孝也者。國人稱願。然曰。幸哉有子如此。所謂孝也已。衆之本教曰。孝。其行曰養。養可能也。敬為難。敬可能也。安為難。安可能也。卒為難。父母既沒。慎行。

其身不遺。父母惡名可謂能終矣。同上

父母愛之。喜而不忘。父母惡之。懼而無怨。

父母有過。諫而不逆。同上

壹舉足而不敢忘。父母壹出言而不敢忘。

父母壹舉足而不敢忘。父母是故道而不

徑。舟而不游。不敢以先父母之遺體行。殆

壹出言而不敢忘。父母是故惡言不出於

口。忿言不反於身。不辱其身。不羞其親。可

謂孝矣。同上

子曰從命不忿微諫不倦勞而不怨可謂孝矣詩曰孝子不匱禮記坊記

子曰睦於父母之黨可謂孝矣故君子因睦以合族詩曰此令兄弟綽綽有裕不令兄弟交相為瘡同上

其家不可教而能教人者無之故君子不出家而成教於國孝者所以事君也弟者所以事長也慈者所以使眾也禮記大學

孝弟忠順之行立而后可以為人可以為

人而后可以治人也禮記冠義

未有君而忠臣可知者孝子之謂也未有長而順下可知者弟弟之謂也未有治而能任可知者先脩之謂也故曰孝子能事君弟弟能事長君子一孝一悌可謂知終矣大戴禮曾子立孝

單居離問於曾子曰事父母有道乎曾子曰有愛而敬父母之行若中道則從若不中道則諫諫而不用行之如由己從而不

諫非孝也。諫而不從亦非孝也。孝子之諫
 達善而不敢爭辨。爭辨者作亂之所由興
 也。由己為無咎則寧。由己為賢人則亂。孝
 子無私樂。父母所憂憂之。父母所樂樂之。
 孝子唯巧變故。父母安之。若夫坐如尸立
 如齊。弗訊不言。言必齊色。此成人之善者
 也。未得為人子之道也。大戴禮曾子事父母
 孝子揚父之美。不揚父之惡。穀梁傳隱公元年
 有子曰。其為人也好犯上者鮮矣。

不好犯上而好作亂者。未之有也。君子務
 本。本立而道生。孝弟也者。其為仁之本與。

論語學而

子曰。弟子入則孝。出則弟。同上

孟懿子問孝。子曰。無違。樊遲御。子告之曰。

孟孫問孝於我。我對曰。無違。樊遲曰。何謂

也。子曰。生事之以禮。死葬之以禮。祭之以

禮。論語為政

孟武伯問孝。子曰。父母唯其疾之憂。同上

子游問孝。子曰：今之孝者，是謂能養。至於犬馬，皆能有養。不敬，何以別乎？同上

子夏問孝。子曰：色難。有事，弟子服其勞，有酒食，先生饌。曾是以為孝乎？同上

曾子耘瓜，誤斬其根。曾皙怒，建大杖以擊其背。曾子仆地而不知人。久之，有頃，乃蘇。欣然而起，進於曾皙，曰：嚮也參得罪於大人，大人用力教參，得無疾乎？退而就房，援琴而歌。欲令曾皙而聞之，知其體康也。孔

子聞之而怒，告門弟子曰：參來，勿內。曾參自以為無罪，使人請於孔子。子曰：汝不聞乎？昔瞽叟有子曰舜，舜之事瞽叟，欲使之未嘗不在於側，索而殺之，未嘗可得。小棰則待過，大杖則逃走。故瞽叟不犯不父之罪，而舜不失烝烝之孝。今參事父，委身以待暴怒，殫而不避，既身死而陷父於不義，其不孝孰大焉？汝非天子之民也，殺天子之民，其罪奚若？曾參聞之曰：參罪大矣。遂

造孔子謝過家語六本

子路問於孔子曰有人於此夙興夜寐耕
耘樹藝手足胼胝以養其親然而名不稱
孝何也孔子曰意者身不敬與辭不順與
色不悅與古之人有言曰人與己與不汝
欺今盡力養親而無二者之闕何謂無孝
之名乎由汝志之吾語汝雖有國士之力
而不能自舉其身非力之少勢不可矣夫
內行不修身之罪也行修而名不彰友之

罪也行修而名自立故君子入則篤行出
則交賢何為無孝名乎家語困誓

孟子曰世俗所謂不孝者五惰其四支不
顧父母之養一不孝也博奕好飲酒不顧
父母之養二不孝也好貨財私妻子不顧
父母之養三不孝也從耳目之欲以為父
母戮四不孝也好勇鬪狠以危父母五不
孝也孟子離婁

孟子曰堯舜之道孝弟而已矣孟子告子

舜曰。妻子具而孝衰。於親嗜欲得而信衰。於友爵祿盈而忠衰。於君荀子性惡

曾子曰。孝子言為可聞。行為可見。言為可

聞。所以說遠也。行為可見。所以說近也。近

者說則親遠。說則附。親近而附。遠孝子

之道也。荀子大畧

凡為人子之禮。冬溫而夏清。昏定而晨省。

在醜夷不爭。禮記曲禮

夫為人子者。出必告。反必面。所游必有常。

所習必有業。恒言不稱老。同上

聽於無聲。視於無形。同上

父母存不許。友以死。不有私財。同上

父召無諾。先生召無諾。唯而起。同上

父母有疾。冠者不櫛。行不翔。言不惰。琴瑟

不御。食肉不至變味。飲酒不至變貌。笑不

至矧。怒不至詈。疾止復故。同上

子之事親也。三諫而不聽。則號泣而隨之。

同上

事親有隱而無犯左右就養無方服勤至死致喪三年事君有犯而無隱左右就養有方服勤至死方喪三年事師無犯無隱左右就養無方服勤至死心喪三年禮記檀弓子曰事父母幾諫見志不從又敬不違勞而不怨論語里仁子曰父母在不遠遊遊必有方同上子曰父母之年不可不知也一則以喜一則以懼同上

子曰一朝之忿忘其身以及其親非惑與

論語顏淵

父兮生我母兮鞠我拊我畜我長我育我顧我復我出入腹我欲報之德昊天罔極

毛詩蓼莪

岳曰瞽子父頑母嚚象傲克諧以孝烝烝

乂不格姦尚書堯典

以鄉三物教萬民而實興之云一曰六

行孝友睦婣任卹周禮大司徒職

以鄉八刑糾萬民。一曰不孝之刑。同上

師氏掌以微詔王以三德教國子。云云三

曰孝德以知逆惡教三行。一曰孝行以親

父母。周禮師氏職

傳曰繼母何以如母。繼母之配父與因母

同。故孝子不敢殊也。儀禮喪服傳

見父之執不謂之進不敢進不謂之退不

敢退不問不敢對此孝子之行也。禮記曲禮

孝子不服闇不登危懼辱親也。同上

何謂人義。父慈子孝。兄良弟弟。夫義婦聽。

長惠幼順。君仁臣忠。十者謂之人義。禮記禮運

石碯曰君義臣行父慈子孝兄愛弟敬所

謂六順也。左傳隱公元年

孔子曰孝德之始也悌德之序也信德之

厚也忠德之正也參中夫四德者也以此

稱之。孔子家語弟子行

孝子所以不從命有三從命則親危不從

命則親安孝子不從命乃哀從命則親辱

不從命則親榮孝子不從命乃義從命則禽獸不從命則脩飾孝子不從命乃敬故可以從而不從是不子也未可以從而從是不衷也明於從不從之義而能致恭敬忠信端慤以慎行之則可謂大孝矣傳曰從道不從君從義不從父此之謂也荀子道

壬寅之春 門人 浦井宗德子崇校

題後


潘公先生嘗言余語
以我輩白自論語
孝經孝也孝也云

以之則皆具其人
亦能詢習為至其
服膺之要言者
何其鮮也故如

其有一心筆著必
要乎切近乎人鳴
呼先生志良師而
子崇此利不能幸

師訓不失墜者

尾張 紀德民



天明八年戊申正月

書肆

尾州名古屋本町九町目

菱屋久兵衛

京新町二條上

西村平八

大坂順慶町五町目

柏原屋與左衛門

江戸本町三町目

西村源六

英

